

ordonne pour le seruice de Dieu. il y a quelques temps qun fauage qui viuoit vn peu dans le defordre arriuant icy Inuectiua fort contre tous ceux de nostre Mission qui obeiffoient sy pontuellement au pere qui a soin de La priere, il fut soutenu de deux ou trois Algonquins qui nestoient icy quen passant ie luy laiffay ietter son feu; et puis ie luy parlay il est maintenant vn exemple de La Mission et ie puis dire quil fait tout ce que ie luy dis comme obeiroit vn Enfant, il festoit retiré depuis quatre ou cinq ans avec les Algonquins.

Ce 27. septembre il y a pres de trois sepmaines quil nous a fallu changer quasfy tout lordre du Iour de nostre Mission pour nous occuper a instruire et soulager les malades qui sont de retour de La guerre, il ny en a qun ou deux de tous ceux qui ont accompagné monsieur le General qui nait pas este. attaqué dvne fieure venimeuse qui tient icy tous les autres dangereusem^t. malades. le Capitaine qui ie vous ay mended estre arriué icy de LAcadie vn peu auparauint La guerre et qui fut Inuité par vn Collier de M^r. le General pour Laccompagner est mort de cette maladie douze heures apres estre retourné icy. Je ne le quittay point presque toutes ces douzes heures qui furent vne partie La nuit pour auoir quelque bon Interuale et le disposer au baptesme, cōme il ne faisoit que dariuer lors quil fallut partir pour la guerre ie ne Lauois que Legerement Instruit. de toutes ses 12 heures il neut pas vn seul moment de bon Interual; ie tesmoigné a nos fauages la peine estrange ou iestoie de voir mourir ce Capitaine dans cet estat, cestoit un tres g^d yurongne, ie demenday sy on Lauoit veu prier avec les autres en guerre